

## NOVEMBRE 2021

### 1 > - La note de i morti

Al dì de 'i morti no se laorava, no se 'ndava squola! In çimitero tuti gavea qualcun da ricordare. Giorni prima ogni tonba vigneva sistemada, lustrada, squarada co sabia e giarin bianco. A 'e porte, 'e pie done saludava co 'a borsa de 'e aneme. Al dì de 'i Santi, 'a zente portava fiori e soase, 'na rechietera e svelti casa parchè a dò bòti 'e canpane a morto ciamava par 'a procession. Rivava 'l prete soto 'l baldachin nero, quatro torze grande, l'incenso, 'na novola de zagheti, davanti 'a banda, po' 'e autorità e i fabriçieri e tuta 'a zente he se disperdea so 'e tonbe de fameja. Parenti e amissi se saludava de sbrisso e tornava a 'e litanie de 'i Santi che no finia mai, come 'a predica ispirada e potente. So 'l scurire se tornava casa co 'l scartosso de castagne e patate mericane da magnar a filò, dopo 'l rosario, scoltando storie de morti, de guere, de spiriti. Intanto 'e canpane sonava fin matina, jèra 'a note de 'i morti.

*squarada co sabia e giarin bianco*

*riquadrate con sabbia e sassolini bianchi*

*borsa de 'e aneme*

*borsa per la questua della San Vincenzo*

*soase*

*ritratti incorniciati*

*rechietera*

*requiem aeternam*

*a do bòti*

*alle due del pomeriggio*

*torze grande*

*torce alte su un'asta*

*novola de zagheti*

*frotta di chierichetti*

*fabriçieri*

*membri del consiglio parrocchiale*

*se saludava de sbrisso*

*si salutavano in fretta*

*so 'l scurire*

*all'imbrunire*

### 2 > - A Moniego da 5 secoli, all'Immacolata, si benedice il pane della Madonna

So 'i nostri paesi de Madone senpre ghin è. Qualchedun ghe ne prega anca tre! A Moniego de Noale, da 5 secoli 'i ga postà na statua de n'altra Madona davanti 'l quadro de quella de Loreto. Questa tien in man on pomo ingranà che par 'na ciopa de pan. Ne 'i ani de fame e carestia, tuti la pregava pa aver on bocon da magnar, cussì 'a xè diventà 'a Madona del Pan, l'Immacolata che se festeja l'8 de dicembre. Fabriçieri e benestanti del paese 'na olta ofriva a 'i poareti gran corbe de pan. Ancora desso, par 'sta festa, 'l fornaro cusina 'a "pagnocca de 'a Madona" da portar a çeste a benedire so l'altar. Tuti se ne prenota a pagamento anca pa regalarghela a parenti e amissi distanti.

*senpre ghin è*

*sempre ce ne sono*

*'i ga postà*

*hanno collocato*

*pomo ingranà*

*mela grana*

'na ciopa de pan.	Una pagnotta di pane
Fabriçieri	amministratori della parrocchia
gran corbe	grandi ceste di vimini

### 3 > - SAN MARTIN

San Martin 'l conto ghe parecia al contadin. Apena finia a guera, nei nostri paesi, quasi tuti lavorava 'a tera, afituali, o mezdri, pochi da paroni. San Martin tirava sentenza, chi no gaveva pagà, ghe tocava tor su 'e so strasse, perdeva tera e casa: 'na desperassion. Pregar Dio de trovar qualcun che lo tolesse a opara par le spese! 'A mojèr a far mastèli par 'e case e qualche tosateło lassà par fiòlo de anema! Par chi se la gaveva cavada, co castagne e vin novo jèra on dì de festa, ma senpre on fià agra co in 'a mente chi partia e magari pensava de mandare on fiolo a portarghe 'na quartela de farina.

'l conto ghe parecia	gli presenta il conto
tirava sentenza	decideva
tor su 'e so strasse	portarsi via i suoi stracci
tolesse a opara par le spese	prendesse lavorare contro vitto e alloggio
'A mojèr a far mastèli par 'e case	la moglie a fare il bucato pesante per le famigle
tosateło lassà par fiòlo de anema	abbandonato in adozione volontaria
'na quartela de farina	misura per cereali pari a ca. 12,5 litri

### 4 > - Tino Piazza

#### A 40 ANNI DALLA SCOMPARSA RICORDIAMO UN NOALESE ARTISTA FIGURATIVO A TUTTO CAMPO: AGOSTINO PIAZZA.

Ne 'a galeria de ritrati de parochi, in sacrestia a Noal, salta a l'ocio don Ettore Neso dipinto con stile inovativo da on sbarbatelo Tino Piazza che qualcun ricorderà a decorare 'l capiteło del Bigolo. (Noale nel 1935 - Capriva GO 1981). Co 'l magistero d'affresco e l'insegnamento artistico, 'l ciapa incarico de Disegno e Ornato ne 'a Scuola d'Arte de Gorizia, fin a 'a prematura scomparsa. De 'sto artista straordinariamente ativo nella vita culturale de Gorizia e de l'Isontino, distintose nella realisassion de grandi opere pubbliche, Gorizia tien nel so museo 'na interessante selezion de dipinti, sculture e ceramiche. Tino xè sta precursor e stimolo par 'artisti de 'a scuola noalese, ativa e stimada nel venessian. Nel 2018 Noale lo gà ricordà co 'na mostra. Desso saria ora de intitolarghe qualcosa de significativo.

'l ciapa incarico	lui ottiene la cattedra
-------------------	-------------------------